

I erinner mi no guad i war a gloana Bua
Da geht amoi a Lehrer auf mei Muada zua
Sie sagt er Frau i muas eahna wos song
A Kreiz is mit dem Buam er is so ungezogn

Er rechnet ned schreibt ned malt koane Buiden
Passns auf des werd amoi a ganz a ganz a wuider
Mei Muada hod gwoand sie hods ned glaubt
Wos soll i long redn recht hod er ghabt

**I bin a Hoberfeld Hoberfeld Hoberfeldtreiber
Raucha saufa vogeldwuide Weiber
I treib mi rum bei der Nacht und schlof am Dog
Mei ganzes Lebn is a Hoberfeldrock 2x**

A poar Jahr drauf i war a Ministrant
Nimmt der Pfarrer mei Mudda bei der Hand
"Sie", sagt er, "Frau, mit dem Bua des hat kein Sinn
Joa ma möcht fast glaubn da steckt der Deifel drin

Er macht nur Blödsinn tut im Beichstuhl rache
So en kleiner tu ma in der Kirch ned brache
Mei Muada hod gwoand, wei sie hods ned glaubt
Wos soll i long redn recht hod er ghabt

I bin a Hoberfeld Hoberfeld Hoberfeldtreiber...

Und a poar Jahr drauf, i woar beim Bund
Da hams mi gschundn wiran Hund
Mortsmäßig aufgladn geht's durchn Wald
Aber i bin ned weit kumme, der Sanker hat mi gholt

Da Feldwebel schreit 'so a Oberidiot
Is a Schand für jeden richtign Soldat'
Mei Muada hod gwoand sie hods ned glaubt
Wos soll i lang redn recht hod er ghabt

I bin a Hoberfeld Hoberfeld Hoberfeldtreiber...

Und für jeden von uns und für den wuידesten Hund
Schlagt irgendwann amoi de letzte Stund
Und klopft dann der Boandlkramer bei mir oo
Und sagt: "Hoberfeldtreiber mia san droo!

Jetzt brauchst net jammern und net diskutier'n
Da wo's jetz hingeht da werds di net friern!"
Dann zuck i die Achsel und sag: "Ja mei
Was is des is und wos sei muaß muaß sei!

I bin a Hoberfeld Hoberfeld Hoberfeldtreiber...